

中医古籍珍本集成

(续)

湖南科学技术出版社
岳麓书社

总策划○王国强
总主编○周仲瑛 于文明

综合卷

景岳全书 ③

攻也○病欲吐者不可下嘔多雖有陽明證不可攻之此嘔

总策划○王国强

总主编○周仲瑛 于文明

常务副总主编○王旭东

中医古籍珍本集成

(续)

综合卷

景岳全书 ③

主编○虞舜 王旭东

编者○(按汉语拼音排序)

卞雅莉 黄晶晶 石历闻 王旭东 温雯婷
吴昌国 奚飞飞 衣兰杰 虞舜 张雷强

湖南科学技术出版社

岳麓书社

中 医 古 籍 珍 本 集 成

◎本书出版得到国家古籍整理出版专项经费资助

◎『十一五』、『十二五』国家重点图书出版规划

◎教育部、科技部、国家中医药管理局重点立项



《中医古籍珍本集成》编辑小组

组长○黄一九 张旭东

副组长○易言者 徐为

成员○李忠 鲍晓昕 林澧波 易法银

王跃军 周妍 郭升 喻峰

王李姜 岚

秘书○王跃军 喻峰

组织单位○国家中医药管理局

总策划○王国强

编写单位

主编单位○南京中医药大学

编纂单位○(按汉语拼音排序)

安徽中医药大学 北京中医药大学 福建中医药大学 河南中医学院 湖南中医药大学
江西中医药大学 南阳理工学院 山东中医药大学 上海中医药大学 浙江中医药大学

顾问委员会

总顾问○裘沛然 张灿理 马继兴 余瀛鳌 宋立人 钱超尘 王洪图
分卷顾问(按汉语拼音排序)

杜建 段逸山 干祖望 刘道清 彭怀仁 施杞 唐汉均 田代华
王霞芳 吴贻谷 许敬生 张奇文

指导委员会

主任○(按汉语拼音排序) 高思华 苏钢强 吴勉华

副主任○(按汉语拼音排序)

范永升 李昱 李灿东 王新陆 夏祖昌 谢建群 杨龙会 左铮云

编纂委员会

总主编○周仲瑛 于文明

常务副总主编○王旭东

副总主编○(按汉语拼音排序)

蔡永敏 陈仁寿 郭瑞华 黄政德 胡方林 蒋力生 林楠 陆翔 沈澍农 王键

王玲玲 王振国 徐光星 薛博瑜 严道南 俞欣玮 虞舜 张建斌 张如青 张玉萍

常务审稿组○沈澍农(组长) 虞舜(副组长) 张如青 张玉萍 刘更生 石历闻

吴承艳 吴昌国 徐建云 王明强 张继 李崇超 朱若霖 陈隋

学术秘书○衣兰杰 杨萌 奚飞

编纂工作办公室

主任○王思成

副主任○王旭东(兼) 钱丽

成员○(按汉语拼音排序) 陈丽娜 陈榕虎 陈晓天 沈劼 晏婷婷 于莉英

景岳全書卷二十五心集

雜證謨

會稽 張介賓 會卿著

會稽 魯 趙 謙菴訂

心腹痛

經義

舉痛論帝曰願聞人之五臟卒痛何氣使然岐伯對曰經脈流行不止環周不休寒氣入經而稽遲泣而不行客於脉外則血少客於脉中則氣不通故卒然而痛○帝曰其痛或卒然而止者或痛甚不休者或痛甚不可按者或按之而痛止者或按之無益者或喘動應手者或心與背相引而痛者或脇肋與小腹相引而痛者或腰痛引陰股者或痛宿昔而成積者或卒然痛死不知人少間復生者或痛而嘔者或腹痛而

中醫古籍珍本集成（续）

綜合卷

一二三四

卷之三

卷之三

一

後泄者或痛而閉不通者凡此諸痛各不同形別之奈何○
岐伯曰寒氣客於脉外則脉寒脉寒則縮縊縮縊則脉絀急
絀急則外引小絡故卒然而痛得炅則立止因重中於寒則
痛久矣○寒氣客於經脉之中與炅氣相薄則脉滿滿則痛
而不可按也寒氣稽留炅氣從上則脉亢大而血氣亂故痛
甚不可按也○寒氣客於腸胃之間膜原之下血不得散小
絡急引故痛按之則血氣散故按之痛止○寒氣客於俠脊
之脉則深按之不能及故按之無益也○寒氣客於衝脉衝
脉起於關元隨股直上寒氣客則脉不通脉不通則氣因之
故喘動應手矣○寒氣客於背俞之脉則脉泣脉泣則血虛
血虛則痛其俞注於心故相引而痛按之則熱氣至熱氣至
則痛止矣○寒氣客於厥陰之脉厥陰之脉者絡陰器繫於
肝寒氣客於脉中則血泣脉急故脇肋與小腹相引痛矣○

厥氣客於陰股寒氣上及少腹血泣在下相引故腹痛引陰
股○寒氣客於小腸膜原之間絡血之中血泣不得注於大
經血氣稽留不得行故宿昔而成積矣○寒氣客於五臟厥
逆上泄陰氣竭陽氣未入故卒然痛死不知人氣復反則生
矣○寒氣客於腸胃厥逆上出故痛而嘔也○寒氣客於小
腸小腸不得成聚故後泄腹痛矣○熱氣留於小腸腸中痛
痺熱焦渴則堅乾不得出故痛而閉不通矣○帝曰所謂言
而可知者也視而可見奈何岐伯曰五臟六腑固盡有部視
其五色黃赤爲熱白爲寒青黑爲痛此所謂視而可見者也
○帝曰捫而可得奈何岐伯曰視其主病之脈堅而血反陷
下者皆可捫而得也

實按本篇論痛總計一十三條所言寒氣與是氣相薄及熱
氣留於小腸閉而不通者止二條爲熱證而其他皆屬於寒

則此證之槩可知學者當思所辨矣

終始篇曰病痛者陰也痛而以手按之不得者陰也深刺之痺論帝曰內含五臟六腑何氣使然岐伯曰五臟皆有合病久而不去者內含於其合也○胞痺者少腹膀胱按之內痛若沃以湯溫於小便上爲清涕○痛者寒氣多也有寒故痛也骨空論曰少絡季脇引少腹而痛脹刺譴諸

調經論曰實者外堅克滿不可按之按之則痛○虛者聶辟氣不足按之則氣足以溫之故快然而不痛

平人氣象論曰寸口脉沉而弱曰寒熱及疝瘕少腹痛○寸口脉沉而橫曰脇下有積腹中有橫積痛○脉急者曰疝瘕少腹痛

邪氣臟腑病形篇曰心脉微急爲心痛引背食不下衛氣篇曰新積痛可移者易已也積不痛難已也

厥病篇曰厥心痛與背相控善嘔如從後觸其心僂僂者腎心痛也○厥心痛腹脹胸滿心尤痛甚胃心痛也○厥心痛痛如以錐鍼刺其心心痛甚者脾心痛也○厥心痛色蒼蒼如死狀終日不得太息肝心痛也○厥心痛卧若徒居心痛間動則痛益甚色不變肺心痛也○真心痛手足清至節心痛甚且餐夕死夕餐旦死○腸中有虫瘕及蛟蛭心痛癢懷作痛腫聚往來上下行痛有休止腹熱喜渴涎出者是蛟蛭也○以上皆有刺法詳在本經

雜病篇曰心痛引腰脊欲嘔取足少陰○心痛腹脹嗇嗇然大便秘不利取足太陰○心痛引背不得息刺足少陰不已取手少陽○心痛引小腹滿上下無常處便溲難刺足厥陰○心痛但短氣不足以息刺手太陰○心痛當九節刺之按已刺按之立已不已上下求之得之立已

中醫古籍珍本集成（續）

綜合卷

六元正紀大論曰不遠熱則熱至不遠寒則寒至寒至則堅否
腹滿痛急下利之病生矣○土鬱之發甚則心痛脇脹嘔吐
霍亂飲發注下○金鬱之發心脇滿引小腹善暴痛不可反
側○水鬱之發民病寒客心痛○木鬱之發民病胃脘當心
而痛上支兩脇膈咽不通食飲不下○火鬱之發民病骨痛
腹中暴痛

邪氣臟腑病形篇曰大腸病者腸中切痛而鳴濯濯冬日重感
於寒卽泄當臍而痛不能久立與胃同候取巨虛上廉○胃
病者腹脹胃脘當心而痛上支兩脇膈咽不通食飲不下
取之三里也○小腸病者小腹痛腰脊控睪而痛時窘之後
取之巨虛下廉○膀胱病者小便偏腫而痛以手按之卽欲
小便而不得取委中

五邪篇曰邪在肝則兩脇中痛寒中惡血在內行善製節時腳

脾○邪在脾胃則病肌肉痛陽氣不足陰氣有餘則寒中腸鳴腹痛○邪在心則病心驚喜悲時眩仆○以上俱有刺法在本經

經脉篇曰脾足太陰之脉入腹屬脾絡胃其支者復從胃別上膈注心中是動則病舌本強食則嘔胃脘痛腹脹善噫心下急痛得後與氣則快然如衰○心手少陰之脉起於心中出屬心系是動則病嗌乾心痛渴而欲飲○腎足少陰之脉其支者從肺出絡心是動則心如懸若飢狀舌乾咽腫煩心心痛○心主手厥陰之脉起於胸中出屬心包絡是動則胸脇支滿煩心心痛○膽足少陽之脉其直者從缺盆下腋循胸循脇裏是動則病口苦善太息心脇痛不能轉側

論證 共四條

凡病心腹痛者有上中下三焦之別上焦者痛在膈上此即胃

中醫古籍珍本集成（續）

綜合卷

脘痛也內經曰胃脘當心而痛者卽此時人以此爲心痛不知心不可痛也若病真心痛者必手足冷至節瓜甲青旦發夕死夕發旦死不可治也○中焦痛者在中脘脾胃間病也○下焦痛者在臍下肝腎大小腸膀胱病也○凡此三者皆有虛實寒熱之不同宜詳察而治之

一痛有虛實凡三焦痛證惟食滯寒滯氣滯者最多其有因虫因火因痰因血者皆能作痛大都暴痛者多有前三證漸痛者多由後四證但重痛痰痛多在中焦火痛則三焦俱有之血痛則多在下焦然惟婦人則常有血證而男子則少也諸如此類但察其多滯多逆者方是實證如無滯逆則不得以實論也辨之之法但當察其可按者爲虛拒按者爲實久痛者多虛暴痛者多實得食稍可者爲虛脹滿畏食者爲實痛徐而緩莫得其處者多虛痛劇而堅一定不移者爲實痛在

腸臟中有物有滯者多實痛在腔腸經絡不干中臟而牽連腰背無脹無滯者多虛脉與證參虛實自辨微實者宜調不宜攻大實者或上或下非攻不可純虛者或氣或血非大補不可

痛證有寒熱誤認之則爲害不小蓋三焦痛證因寒者常居八九因熱者十惟一二觀內經舉痛等論義可知矣蓋寒則凝滯凝滯則氣逆氣逆則痛脹由生而熱則流通多不然也雖熱證亦常有痛然熱者必有明辨如內經所言腸中痛而瘕熱焦渴則堅乾不得出閉而不通者此因燥結熱閉故能作痛然必有煩熱等證乃因於火最易見也今之醫家但見心腹痛證無問有無寒熱便云諸痛皆屬於火多用寒涼不知此說出自何典而彼此訛傳無墨無根妄亦甚矣又見丹溪治法云凡心腹痛者必用溫散此是鬱結不行阻氣不運

中醫古籍珍本集成（續）

綜合卷

故痛也此說誠是也然又引原病式云若欲行溫散寧無助火添病也由是古方多以山茱爲主加熱藥爲向導或用二陳湯加川芎蒼朮倍加梔子煎服痛甚者加炒乾薑反佐之若此議論治法余則大有不服夫致病之由熱者自熱寒者自寒病因火邪清利自愈固不必反佐也病因寒滯溫散自愈又何爲反助火耶蓋寒者熱之熱者寒之自此正治之正理豈可不論經權不分從逆既宜梔子又宜乾薑藥用反佐而治寒犯寒治熱犯熱乎因致後代醫流凡有見不真者每借此爲成法而藉口反佐誤入於疑似之中者不少矣故余特爲反佐論在前二卷中以盡其義宜均察

痛證當辨有形無形無形者痛在氣分凡氣病間爲脹爲痛者必或脹或止而痛無常處氣聚則痛而見形氣散則平而無跡此無形之痛也但宜順氣氣順則痛自愈矣○有形者

痛在血分或爲食積凡血瘀食積而爲脹痛者必痛有常所而脹無休息不往不來不離其處者是有形之痛也然或食或血察得所因乃可攻而去之此二者之當辨也

論痛脉

凡諸病之虛實辨之於脉者皆易惟心腹痛證則有大有小其脉多有難辨雖滑實有力者固多實邪虛弱無神者固多虛邪此其常也然暴痛之極者每多沉伏細澀最似極虛之候不知氣爲邪逆氣逆則脉道不行而沉伏異常此正邪實之脉然於沉伏之中細察之必有梗梗然弦緊之意此必寒邪阻遏陽氣者多有是脉若火邪作痛則不然也凡見此者不得因其細極微極便認爲虛脫妄用補劑必大誤矣辨此之法但當察其形氣以見平素之強弱問其病因以知新病久病及何所因而起大都暴病痛急而脉忽細伏者多實邪久